

豫

章

叢

書

第二八册

朝散集卷三

宋 孔平仲 毅父 著

古詩

常山四詩并序

熙寧六年之仲冬太守以旱有事于常山平仲職在學校不預祭祀太守以常山密之望而太守出城爲非常故帥以往平仲旣不辭又不敢無言以助所請也作迎神酌神禱神送神四詩以畀祠官

迎神

木槭槭兮若有聞風回回兮吹塵神之來兮何暮斗

斜月落兮夜將向晨跪捧香兮謹以俟久注目兮山
雲

酌神

不敢告勞兮山之盤盤祀事孔修兮誠心亦殫陳肴
羞兮堂下奠旨酒兮石之間神庶幾兮享此既醉且
飽兮留聽余言

禱神

歲且大旱兮出事甚荒疫厲將作兮火苗流行循神
之名兮其德有常靈鑒不遠兮昭此忱誠出雲洩洩
兮零雨其雩庶幾此民兮不乏柔盛

送神

巫僮僕兮告神將歸屏息再拜兮儼若初來神之樂
兮游衍風爲車兮雲爲旂槁者待蘇兮瘠者需肥自
今以往兮余日莖之

大風吟

昨宵月暈大如輪邪氣來逼金波潭嫦娥怨泣帝所
聞飛符北方起風神聲如驟濤洗陰雲欲以快意乃
自昏紛紛吹盡南山土散作彌天萬里塵

兄長舟次會稽以十月九日發書清江親故以
此日遣使仍以十一月十二日同到去歲會

稽書清江人亦同日到嘗有詩記其事

清江在何處限以龍王大孤磅礴之險阻鄱陽彭蠡
淮海之波濤會稽在何處錢塘江邊風浪惡金山寺
下鼉鼉驕大冬雪霜道路塞饑年往往多盜賊如何
兩處發書日月同至此亦不差頃刻開編讀訖更反
復兩處久不通消息丁寧勞問若相見滿堂歡喜動
顏色枝間鵲噪今幾日總報平安豈非吉年年歲晏
享異味牛狸黃雀併金橘從容進僕問鄉間歸心候
起成蕭瑟

十一月二十日德音

勅書半夜至主者不敢發星辰稍低回萬里收落日
平明宣帝詞軫慮極慘怛所憂在愆陽雨澤嗟久竭
周王望雲漢湯后訟女謁又聞泰一馭已駐黃金闕
所至爲福祥行當掃災孽因茲肆大膏洗滌如海闊
上刑脫窞宥輕繫弛縲綫生還遂可期向者或長訣
謹呼滿行道感泣有白髮苟非皇恩深安得汝輩活
千城聚和氣散作連天雪

宿潞澤

出城雲物好更聽歌聲發行路已微陰暮村逢霰雪
衾寒不成寐奄奄殘燈滅

召伯水落

朝落一村水暮落一村水卷水去入湖更值南風起
舟行意雖急滯礙乃如此轟轟在吾前千艘正銜尾
舟中却回

清晨移舟出沙觜宿氛卷盡天如洗日高五丈行十
里白雲之中黑雲起回舟急趨舊泊處四山沉沉日
色死逆風颯颯初尙微浪頭已高白參差又聞西南
崩崖陷谷有異聲大風橫擊波如陵操舟之子雖習
貫擊柁纔開又投岸有如磁石引針去時時颭撲愁
中斷長篙勁櫂不易勝僅得入口如再生翹望後舟

尙出沒使人淚落肝膽驚昨日廟中奠旨酒巫語甚
吉許我行奈何中路輒反覆欺誕何者爲神明豈非
風者天號令必欲逆知非汝能浪傳消息得醉飽萬
一猶足爲威靈

長蘆詠蝗

飛蝗乎飛蝗乎誰使汝爲飛蝗而如此之孽也一氣
所生乃自然百蟲之中胡爲者若歲大旱汝則多人
雖畏之可奈何來時漫不見首尾往往蔽日連數里
河南邽集河北岸東村西村闕如螳捕遂千百才十
一人地如錐又生子山林所過爲一空萬口颯颯如

風雨稻梁黍稷復何有田疇已盡腹未既農夫去歲
望得雪千耕輩作爭春發耕耘喜及苗已長與汝何
冤乃遭鬻忍見深冬瘦如腊徵賦繁興蓄積缺我有
薄田在江州五歲之中三不收流災得無及彼土搏
手安敢期高秋陰陽調和非我事凍餒逼迫同民憂
有生所往隨有累不及飲啄波中鷗

金陵觀雨

丞相初下車憂勤到南畝旱乾爲祈禱甘雨輒盈缶
氣從鍾山發浪入秦淮吼崩騰與擺蹙執熱復何有
我時在舟中清爽浮戶牖垢衣得浣濯快意一搔首

深宵對明月滅燭坐更久昨日見投龍於今慰枯朽
至誠必有答况乃調元手

觀暴

怒雷殷殷西南天黑氣一抹加長煙鯨噓鼉噫蛟吐
凝龍呼其儔相後先散爲飛雲蓋蜿蜒以尾卷海酒
百川河伯乃在坎底眠震驚掉動憂不全白浪湧起
高於船岡馳隰舞山回旋崩衝擺落蔚高騫聲勢烈
烈孰使然須臾寂靜又改前餘氛倚漢猶青元小鯁
奮頭如自賢神龍歸宮魚出泉

太平

長江卷波作沙色中有數頃如激墨是爲望夫之高
山沈沈影落江心黑操篙下探不見底側行牽挽難
爲力疾風爲我西北來打鼓張帆何快哉百夫呼譟
絕水府心膽壯敵山崔嵬須臾已入大信口回聽怒
浪聲如雷姑孰堂前溪水清扁舟夜泊已三更微微
雨遇有秋意漠漠雲開對月明

觀牛渡江

荷蓑而騎彼牧童驅牛亂流江水中徐行不復用鞭
箠母當其前犢後從濁波云云出頭角見者往往疑
蛟龍牛大千鈞水不測步涉乃與邱陵同天機自然

有所解物理似此誰能窮君不見軋攀山腹垂至膝
一馬不能載其躬帝前每作胡旋舞翩翩勁捷如旋
風

太平

溪行曲入四五里乃見州城大如斗人煙疎少白日
靜風物澄明新雨後古來豪俊多在此悵望千秋一
回首謝家青山空自高李白扁舟復何有

泊舟姑孰堂

崎嶇遵狹港託庇倚葭蘆泊舟姑孰堂乃在溪山居
北溪來處遠東引丹陽湖微風起天外爽氣得秋初

而我尙厭暑卷簾心不舒蓬頭赤兩脚躑躅遶四隅
坐砌未爲愜偃身卧碑跌中宵倦搖簔流汗落衣裾
因觀今則然自問昔何如人情自不足不見有有餘
于將軍

長安遣兵百勝強意氣何有漢中王七軍之心俱猛
鷲虎兕插翼將翱翔睥睨荆益可席卷白帝城高如
堵牆秣馬蓐食朝欲戰雷聲殷殷山之陽沈陽苦雨
十餘日漢水溢出高騰驤倉皇不暇治步伍扳緣蹙
踏半死傷計窮豈不欲奔走四望如海皆茫茫鬩鳴
魚躍尙恐懼萬一敵至誰敢當遙觀大舡載旗鼓聞

說乃是關雲長蒙衝直繞長堤下勁弩強弓無敵者
雖有鉄騎何所施排空白浪如奔馬將軍拱手就勢
縛咋舌無聲面深赭捷書一日到錦城隻輪不返皆
西行將軍疇昔負朋友若此呂豨猶得生循環報復
雖天意壯士所惜惟功名曹瞞相知三十年臨危不
及龐明賢歸來頭白已鶴鴒泣涕頓首尤可憐高陵
畫像何詭譎乃令慙痛入九泉清水之師勇冠世英
雄成敗皆偶然

紫萁將軍

華容女子哭幽囚吉利如虎入荊州縛其孤雛歛貌

蘇長驅水步八十萬欲獵於吳吳主憂羣臣勸迎
一說拔刀斫案心膽裂換彼之量豈我容開門納
許何拙魯家狂兒策最長倡而和者有周郎區區
蓋乃乞降龍幡遮火燒赤壁東南風急天絳色江
戰舸岸上營煙燄飛騰半焚濁雷鼓大進聲滿川
銳迫逐皆崩奔紫髯將軍最歡喜曹公垂翅不得
子布元表何齷齪成敗之決在一言君不見甘露
鼎間典午受禪吳猶存青蓋入洛雖可惜猶勝俛首
臣老賊

武宗

武宗惟雄俊有臣委用專德裕才略大感恩罄所宜
是時巖廊上六合氣可吞論兵決勝負萬里在目前
一平回鶻兇再洗上黨昏楊弁不知時迺敢盜太原
豈信明光甲遣人斬其元廷謀昧知幾惟有君相然
成立三大功慷慨在一言風霆運不測日月卽高懸
李唐勢已去至此岌復纒外內已息兵崇卑定乾坤
遂令河北帥弭耳如孤豚事書史册上讀之快心魂
千載若信宿凜凜風烈存世人多說劍不見斫伐狼
玩弄反自傷何用飾瓊璫迂哉賈生餌果爾房瑄奔
施爲貴實効詎止術空文

奉天行

蒼蒼行露出苑門孤城偪仄不可存賊兵之來若風
雨頃刻城下皆雲屯紛紛矢石蔽空黑天子垂泣
將軍將軍提筆書滿背城中白丁久奪氣草車之焚
雖已矣雲橋百尺虹霓起下瞰城中笑飲酒乾陵赭
袍擁朱紫朔方大將來赴急徬徨中路不敢入豺狼
合從堪痛哭翠華崎嶇又越蜀聖神文武何至此堂
上有人面如鬼

天門山

惟天莽蒼蒼乃此立門闕連山本如城剖鑿中斷裂